

Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apeqquq imaattoq saqqummiuppara:

**Nunaqarfinni illoqarfinnilu isorliunerusuni nammineerluni illuliassat qassit 2014-mi, 2015-mi 2016-milu aningaasaliiffigineqassapat?**

(Hans Enoksen, Siumut)

**Tunnngavilersuut:**

Nunaqarfippassuarni Illoqarfinnilu isorliunerusuni ukiuni kingullerni illuliortarneq unikaallarujussuarnikuuvoq, aammalu illorpassuit aserfalluinnarsimasut massakkumut peqqinnanngilluinnartumik illersorneqarsinnaanngitsumillu inigitinneqarlutik.

Nunaqarfinni illoqarfinnilu nammineerluni illuliassat assorujussuaq pitsaasumik sunniuteqarnikuupput ilaqutariippassuit illugissaalernikuupput qujanarluinnartumik. Sulili amerlaqaat illuni aserfalluinnarsimasuni najugaqartut, ilaqutariit meeqqiortut, utoqqaallumi suli ineqartippagut ilaatigut najussallugit naleqqutinngilluinnartuni. Naalakkersuisut taakkununga pitsaanngorsaaniarlutik qanoq iliuuseqarniarnersut assut paaserusunnarpoq.

Apeqquteqaatimma ullut suliffiusut qulit iluanni akineqareersimanissaat kissaatigaara.